



ახალი პარადიგმაჲი ეკონომიკური თეორიისათვის ბიორგი მაღაშვიას წიგნის - „მცირე ეკონომოლოგია. ეკონომიკური თეორიის ახალი პარადიგმაჲი“ გარშემო

რევაზ შენგელია,
ჟურნალ „ეკონომიკის“ მთ. რედაქტორი,
ემდ, სტუ პროფესორი
გიორგი შუბლაძე
პროფესორი

მართალია, საზოგადოებრივი ცხოვრების ფუძემდებლური მოვლენები, პროცესები მთლიანობაში კანონზომიერ, მდგრად ხასიათის ატარებს, მაგრამ ცვალებადიცაა, პროგრესის გზა კი უეჭველია. მეცნიერება თავადაც უნდა შეივსოს ახალი ცოდნით, რომელიც ეპოქას პასუხობს. წინამორბედთა მიერ მოპოვებული ცოდნა უნდა გაღრმავდეს შემეცნების ახალი, მაღალი დონის შესაბამისად. ამისათვის აუცილებელია



არსებული ცოდნის კრიტიკული ანალიზი და მის საფუძველზე კვლევა-ძიებით უფრო ჭეშმარიტი ცოდნის შემუშავება.

მარქსიზმის ძირითადი თეორიული პოსტულატები, ასევე კლასიკური ეკონომიკური თეორიული დოქტრინები არაერთხელ ყოფილა კრიტიკული ანალიზის და შეფასების, უარყოფის თუ გაღრმავების საგანი. გიორგი მაღაშხიას ახალი მონოგრაფია, რომელიც ერთ-ერთმა ცნობილმა ევროპულმა გამომცემლობამ *Palmarium academic publishing*-მა (იგი მთელ მსოფლიოში ავრცლებს თავის პროდუქციას) ახლახან რუსულ ენაზე დაბეჭდა, ავტორის მიერ ეკონომიკური თეორიის წამყვანი დოქტრინების ალტერნატიულ მოსაზრებათა გადმოცემას წარმოადგენს. ავტორი შესავალშივე გვამცნობს, რომ ეს წიგნი წარმოადგენს მის ადრინდელ მონოგრაფიათა საფუძველზე და მათი გაღრმავებით ეკონომიკის ფუნქციონირებისა და განვითარების საკვანძო პრობლემების ახლებურ მოკლე გადმოცემას (მას მიზნად ჰქონია უფრო ვრცელი ნაშრომის შექმნა აქ განხილულ საკითხებზე, მაგრამ ობიექტურ მიზეზთა გამო ამჯერად ამ მოცულობას სჯერდება).

გიორგი მაღაშხიას ნაშრომის განხილვას დავიწყებთ იმით, რომ მას საჭიროდ მიაჩნია ეკონომიკური თეორიის ახალი შემადგენელი ნაწილის - ეკონომოლოგიის ჩამოყალიბება და თავის მოსაზრებას იმით ასაბუთებს, რომ ეს უნდა იყოს ეკონომიკის კანონზომიერებებისა და კანონების, მოვლენათა, დოვლათის (სიმდიდრის) კვლავწარმოებისა და ეკონომიკური განვითარების, მისი პერსპექტივის ზოგადი თეორია, რაც დღემდე მწყობრად ჩამოყალიბებული სახით არ არსებობს.

ავტორს უწინარესად შემოაქვს ეკონომიკურ და სოციალურ სფეროთა კვლევის ახალი მეთოდები, რაც აფართოებს შემეცნების შესაძლებლობებს. ესენია: ანთროპოცენტრული მიდგომა - სოცალურ და ეკონომიკურ მოვლენათა ადამიანის ინტერესებისა და დოვლათშემქმნელი პოტენციალის თვალსაზრისით განხილვა, აქსიოლოგიური ხედვა - სინამდვილის მო-

ვლენათა აღქმა ფასეულობითი ასპექტით, საკვლევი მოვლენების ევდემონისტური ანუ ადამიანთა ბედნიერების კუთხით გააზრება, გენეტიკური წვდომა - განვითარების პროცესის ახსნა მემკვიდრეობის ფაქტორის როლის გათვალისწინებით.

გიორგი მალაშხია კრიტიკულად განიხილავს სიმდიდრის წარმოების, განაწილების, გაცვლისა და მოხმარების მარქსისტულ და კლასიკურ თეორიებს და სრულიად ახალი მიდგომითა და ხედვით, ახლებური, ღრმა და ფართო გაგებით ასაბუთებს სიმდიდრის წყაროებს. შემოაქვს წარმოების მუქთი და ნაწილობრივ მუქთი რესურსების ცნებები. ასეთ რესურსებად განიხილავს ბუნების რესურსებსა და საზოგადოების ცხოვრების მთელი ისტორიული ეპოქების მანძილზე დაგროვილი ცოდნის, გამოცდილების, მეცნიერულ-ტექნოლოგიურ მიღწევათა (აღმოჩენების, გამოგონებათა) შედეგად წარმოქმნილი დოვლათმემკმნელ პოტენციალს, ადამიანთა, განსაკუთრებით ინელექტუალური ელიტის (გამორჩეულად ნიჭიერთა და გენიოსთა) ბუნებრივ უნარებს. ყოველივე ამაში ხომ არაფერს ვიხდით, მხოლოდ ერთი ნაწილის გამოყენების დანახარჯებს ვენევით! ავტორს მიაჩნია, რომ ამ რესურსების გამოყენებისა და მისი შედეგების ეკონომიკური შინაარსი და მნიშვნელობა მეცნიერებაში სათანადოდ არაა გაზრებული და შეფასებული. იგი არ იზიარებს კ.მარქსის ზედმეტი ღირებულებისა და ექსპლუატაციის თეორიას, ასევე ეკონომიკური ზრდის, მოგების, რენტის და სხვა თეორიებს. წიგნში საუძვლიანადაა დამტკიცებული, რომ წარმოების რესურსების ერთი ნაწილის აღნიშნული ხასიათის გარეშე შეუძლებელი იქნებოდა რაიმე წარმოებას ჰქონოდა აზრი, მიგველო მეტი პროდუქტი, ვიდრე ამისთვის ვენევით დანახარჯებს. ავტორს შემოაქვს ახალი მეცნიერული კატეგორიები: „სოციალური ენერგია“, „დამატებული პროდუქტი“. მათი მეშვეობით ნათელი ხდება წარმოებისა და მისი გაფართოების სიღრმისეული პროცესი, მისი შედეგები, დანახარჯებზე მეტი პროდუქტის წარმოშობა.

ახლებურად წარმოგვიდგება ეკონომიკური ზრდა, პროგრესი. ქრება კ. მარქსის ზედმეტი ღირებულება, ასევე წარმოდგენა ღირებულებასა და სახმარ ღირებულებას (სარგებლიანობას) შორის უშუალო კავშირის არ არსებობაზე, რომ ღირებულება არ შეიცავს სახმარი ღირებულების არც ერთ ატომს. ახალი მიდგომის საფუძველზე ვიგებთ დამატებული (დანახარჯებზე მეტი) პროდუქტის მიღების რეალურ წყაროს - ამ ნაწილში ავტორი მიდის დასკვნამდე, რომ მოცემული თაობის მიერ შექმნილი პროდუქტი - ეს არის, წარმოების პროცესში უშუალოდ ჩართულებთან ერთად, წინა თაობების ფარული მონაწილეობისა და ბუნების ძალების სულ უფრო მეტად გამოყენების შედეგი. ამრიგად, უფრო ღრმა ხედვითა და რეალურადაა წარმოდგენილი საგნის ნამდვილი შინაარსი, ვიდრე ეს მარქსიზმის და სხვა თეორიული მიმართულებების მიერ არის გადმოცემული.

ავტორი ახლებურად განიხილავს დოვლათის (შემოსავლების) განაწილების საკითხსაც. ის აყალიბებს დოვლათის (შემოსავლების) განაწილების ობიექტურ კანონს, რომლის შესაბამისად რეალურმა პროცესმა უნდა მოგვცეს სამართლიანი განაწილებითი ურთიერთობა - კაცობრიობის ცხოვრების ამ უდიდესი თავსატეხის გადაწყვეტა. ეს იმაში მდგომარეობს, რომ შექმნილი დოვლათი და მისი ნაზრდი უნდა განაწილდეს მისი შემქმნელი სუბიექტების წვლილის შესაბამისად და ალტრუისტული პრინციპით (იმათვის, ვისაც არ შეუძლია წარმოებაში მონაწილეობა). კაცობრიობის ისტორია წარმოდგენილია ეკონომიკის სფეროში ამ პრინციპის დარღვევით და სამართლიანობის დამკვიდრების მიმართულებით სვლად, რაც ჯერ კიდევ არაა სათანადო მიჯნამდე მისული. ნაჩვენებია საბაზრო ეკონომიკის პირობებში დოვლათის განაწილების ხასიათი და ხარვეზები: უსამართლობა, ზედმეტი უთანაბრობა. ამასთან, ავტორი საჭიროდ მიიჩნევს არ მივსდით მარქსისტულ თვალსაზრისს, თითქოს ეკონომიკური ძალა-

უფლების მფლობელ სუბიექტთა მთელი მითვისებული დოვლათი ხნარდება მათ კეთილდღეობას, ფუფუნებით მოხმარებას. მათი შემოსავლების დიდ ნაწილი წარმოების პროცესის განმეორებაში, წარმოების განვითარებაში, ახალი სამუშაო ადგილების შექმნაში ინვესტირების, გადასახადების, ქველმოქმედების და სხვა სახით უნრუნდება საზოგადოებას, ემსახურება მის მოთხოვნილებათა დაკმაყოფილებას. მაშასადამე, გამოყენებისა და მისი შედეგების თვალსაზრისით კაპიტალისტთა შემოსავალი სრულად კერძო ხასიათის არაა, საზოგადოებრივ ფუნქციებს იძენს. ეს მნიშვნელოვანი მომენტი კაპიტალისტური ეკონომიკის ხასიათის გაგებისათვის, რომლის უგულებლყოფა არასწორი იქნებოდა. ამასთან განაწილების სისტემა საბაზრო (კაპიტალისტურ) ეკონომიკაში უსამართლო რჩება, რადგან ეკონომიკური ძალაუფლების მქონეთ - რესურსების მესაკუთრებსა და წარმოების ორგანიზატორებს (მენარმეებს) აქვთ უპირატესი შესაძლებლობა დოვლათის განაწილების პროცესში მიიღონ მეტი, ვიდრე განაწილების ობიექტური კანონით მათ ეკუთვნით, ე.ი ვიდრე მათ შეაქვთ პირადი წვლილი დოვლათის შექმნაში. ეს შესაძლებელი ხდება მუქთი ფაქტორების გამოყენებით შექმნილი დოვლათის ხარჯზე.

ავტორი უარყოფს ეკონომიკურ თეორიაში არსებული გაცვლის კონცეფციას. მის კანონად მიიჩნევს ეკვივალენტურობას, რაც პრაქტიკაში ხშირად ირღვევა. ამასთან, აღნიშნული კანონი, რის ირგვლივ ყალიბდება გაცვლის არსებული წესი, ფასები წარმოადგენს ამ სფეროში სუბიექტების ჩარევის ორიენტირსაც. კერძოდ, ეს კანონი გულისხმობს, რომ გაცვლის შედეგად მისი არც ერთი მხარე არ უნდა იყოს დაზარალებული. ეს ხშირად არ ხდება, ადგილი აქვს ფასების ტირანიას, მაგრამ მთლიანობაში გაცვლა ამ კანონს ექვემდებარება, რის გარეშე ამ სფეროში არ ექნებოდა ადგილი არავითარ წესრიგს, ე. ი. იბატონებდა სრული ქაოსი. ამ კანონის

მოქმედების ხასიათის, მისგან რეალურად მიმდინარე გაცვლის გადახრის გამო აუცილებელია ფასებზე ზემოქმედების სახელმწიფო პოლიტიკა.

გიორგი მაღაშხიას მეცნიერული სიახლეები შემოაქვს მოხმარების თეორიაში. იგი აყალიბებს ირაციონალური და ზედმეტი მოხმარების კონცეფციას, მიდის უქმი ეკონომიკის არსებობის შესახებ დასკვნამდე. ასეთ ეკონომიკად ის განიხილავს იმ დოვლათის წარმოებას, განაწილებას, გაცვლასა და მოხმარებას, რომელიც სცილდება რაციონალურობას, გონიერულობას, საზოგადოების ფასეულობებს, არღვევს ცხოვრების ჰომეოსტატიურობას. მას ეს მიაჩნია მომხმარებელთა არა-ირაციონალური ქცევის, საერთოდ საზოგადოების მოხმარების დაბალი კულტურის, უთანასწორობის არსებობის რეზულტატად. იგი საჭიროდ მიიჩნევს მოხმარების ეფექტიანობის კატეგორიის შემოტანას ეკონომიკის თეორიაში, აყალიბებს ეკონომიური ქცევის ზომიერების პრინციპის შინაარსს, გვიჩვენებს მის მნიშვნელობას საზოგადოების კეთილდღეობისა და ცივილიზებულობისათვის.

კვლევნარმოების კვლევისას ფაზების მიხედვით ავტორს მრავალი საგულისხმო სიახლე შემოაქვს, რომლებიც, ჩვენი აზრით, ამდიდრებს ეკონომიკურ თეორიას.

ასევე გიორგი მაღაშხიას კვლევის საგანია ეკონომიკის ტიპები - საბაზრო და არასაბაზრო ეკონომიკა. იგი მათ თანაფარდობას განიხილავს ისტორიულ ჭრილში. მის მიერ ნაჩვენებია არასაბაზრო ეკონომიკის ადგილი საზოგადოების ცხოვრებაში, არასაბაზრო ურთიერთობათა სახეები და ეკონომიკის სფეროში მათი წილის ზრდის, საბოლოოდ საზოგადოების ცხოვრებაში მათი ადგილის გაფართოების ტენდენცია და მნიშვნელობა ცხოვრების ჰუმანიზაციისათვის.

ავტორი ლოგიკურად მიდის ეკონომიკისა და საზოგადოების განვითარების პერსპექტივის საკითხის დასმამდე. იგი ორიგინალურად წარმოგვიდგენს ახალ, მაღალ, პოსტაბაზრო

საზოგადოებრივ-ეკონომიკურ სისტემაზე გადასვლის ობიექტურ აუცილებლობას, წყაროებსა და მექანიზმს, გზებს, ადასტურებს ამ პროცესის ევოლუციურ ხასიათის აუცილებლობას, ისტორიულ მეტამორფოზებზე ძალადობის დაუშვებლობის თვალსაზრისს, საზოგადოების ინსტიტუტების როლს, მოვლენათა ახალი ნაკადების წარმოშობის, ცხოვრების ღრმა პლასტებში მიმდინარე მუტაციების გზით ძირეული ცვლილებებისა და ახალი ადამიანური საზოგადოებისა და ეკონომიკის ჩამოყალიბების პერსპექტივის არსებობას.

ამ მჯელობათა საუძველზე მოცემულია ახალი საზოგადოებრივ-ეკონომიკური სისტემის არქიტექტურის ძირითადი შტრიხები, რომლებიც ემყარება ავტორის წარმოდგენას განვითარების ლოგიკისა და კანონზომიერებათა მიხედვით მიმდინარე ცვლილებების გააზრებას. ამაში იგი ხედავს სუბიექტური ფაქტორის, როგორც ფილოსოფოსი ე. კანტი წარმოდგენდა, მნიშვნელოვან როლს. გიორგი მალაშხია საჭიროდ მიიჩნევს დაზუსტდეს არსებული შეხედულება განვითარების წყაროების შესახებ. კერძოდ, მას სადაოდ მიაჩნია მარქსისტული და სხვა თვალსაზრისები ამ საკითხის ირგვლივ. იგი თვლის, რომ ძირეული ფაქტორის ძიება უნდა დაუკავშირდეს არა შუალედურ, არამედ საფუძველშემქმნელ წანამძღვრებს. ამ კუთხით იგი თვლის, რომ განვითარებისა და ცვლილებების მიზეზების ძიება უნდა დავიწყოთ არა ეკონომიკური ფაქტორებიდან - სანარმოო ძალებიდან, ეკონომიკიდან მლიანად, არამედ ადამიანებიდან, მათი განვითარებიდან, ცნობიერებისა და შემეცნების დონიდან, რის საფუძველზე ვითარდება საზოგადოების ყველი ინსტიტუტი და სფერო. იგი ახლებურად წარმოგვიდგენს ე. წ. ბაზისისა და ზედნაშენის ურთიერთდამოკიდებულებას, მიაჩნია, რომ ეკონომიკის როლის ზედმეტად გაზვიადება არ იძლევა ჭეშმარიტების დადგენის გარანტიას. წინ უნდა იქნეს წამოწეული ადამიანთა ინტელექტის, ცნობიერების, იდეოლოგიის, პოლიტიკის როლი, რაზეც არის

დამოკიდებული ეკონომიკური სისტემის ხასიათი და თავისებურებები.

როგორც ვხედავთ, პროფესორ გიორგი მაღაშხიას მიერ წამოწეული და ორიგინალურადაა გადამწყვეტილი ეკონომიკური თეორიის რიგი საკვანძო პრობლემა, რაც მისი ნაშრომის ფუნდამენტური ხასიათის შესახებ დასკვნის გაკეთების საფუძველს იძლევა. განხილული მონოგრაფია უთუოდ წარმოადგენს მნიშვნელოვან წვლილს ეკონომიკურ მეცნიერებაში. ამგვარი საკითხებით დაინტერესებული მკითხველისათვის ეს წიგნი უთუოდ საინტერესო იქნება. იგი მას მიცემს კარდინალურ ეკონომიკურ პრობლემებზე დაფიქრების ბიძგს, შემეცნების გაფართოების სტიმულს.